



1567

1893

o-XVII, 291.

1544

13

DE CHRI=
STI IESV RESVRRECTI=
ONE, ET ILLIVS FRVCTV,
DISPV TATIO ANTONII
MVSAE, *pro licentia in theoa
logia ad eunda*

Vicesima octava Maij,
Anno M D XLIIII.

LIPSIAE
IN OFFICINA VALENTINI
PAPAE.

F 15

DE CHRI

WILHELMUS RUSSELLI
SOCIETATIS REGIAE
LONDINENSIS
PHILOSOPHO

PHILOSOPHO

ILLUSTRISSIMO
SIGISMUNDO AUSTRIACO
ARCHIDUCI



DE CHRI

STI IESV RESVRRE

ctione, & illius fructu.

Quæ hic proposita sunt themata disputabit
magister Antonius Musa, in schola Lipsensi
die uicesimo octaua Maij, pro licentia
in theologia ad eunda

M D XLIIII.

QVÆSTIO



AN filius Dei Christus, natura
uerus Deus & uerus homo,
postquam iniquorum mani-
bus peremptus fuit, diuina
potentia sit resuscitatus, so-
lutisq; doloribus mortis (quatenus impossi-
bile erat teneri illum ab ea) resumptaq; ui-
ta, amplius non moriatur & mors illi ultra
non dominetur.

Illa ipsa resurrectione sua, peccato, mor-
te, inferno, diabolo superatis, & in suam po-
testatem ita redactis, ut in Christum creden-
tibus officere amplius haud queant, Deo mū-
dum reconciliauerit, SACERDOS & REX
æternus factus, iustitiam, uitam, ac futurae re-
surrectionis spem orbi retulerit.

CONCLUSIO PRIMA.

A 2

Etsi

ETSI filius Dei Christus natura uerus.
Deus & uerus homo iniquorum manib.
peremptus à morte superatus et uinctus sit,
illiúsq; dominũ ac dolores aliquãdiu, pertu-
lerit. Tamen cum peccatũ ipse non nouerit,
nec dolus in ore eius inuentus sit, neq; de pec-
cato argui, à quo quam unquam potuerit, cũ
morte congressus, illam uicissim superauit so-
lutisq; doloribus illius: quia impossibile fuit
teneri illum ab ea: resumtãq; uita, ex mor-
tuis diuina potentia resurrexit, neque post-
hac amplius moritur, & mors illi ultra non
dominabitur. II

Cum uerò nihil æque cum ratione pugnet,
atq; Christi ex mortuis resuscitatio, munien-
da primũ est, certitudine resurrectionis, pij
hominis mens, cum manifestis scripturæ lo-
cis, tum discipulorũ testimonio, qui illum ui-
derunt, & cum eo comederunt ac biberunt,
postquam à mortuis resurrexit.

III
Nec uerò inefficax fuit resurrectionis ei-
us opus, quippe quo peccatum deletũ, mors
abolita, infernus ac satan superati, et in Chri-
sti potestã ita redacti sunt, ut eos qui sunt
in Christo Iesu, nec accusare, nec damnare
queant. IIII

Neq; hoc solum, uerumetiam placuit deo
patri, uniuersum terrarum orbem, per illũ

reconciliare erga sese, & iustitiam ac uitam
æternam mundo reddere.

V

Nam oportuit Christum pati, & tertio
die à mortuis resurgere, & intrare in glo-
riam suam.

VI

Gloria autem Christi est, quod non usur-
pauerit sibi ipsi honorem, sed uocatus sit à
Deo patre, ac constitutus rex & sacerdos
in æternum secundū ordinem Melchisedech.

VII

Neq; inane nomen sacerdotis est, uerum re-
presentat functionem sacerdotalem, quam
Christus gerit, & ad Ecclesiam suam perpe-
tuo utitur.

VIII

Sunt autem sacerdotis præcipua opera,
docere uerbum Dei, offerre donaria & ui-
ctimas pro peccatis hominum, & assidua in-
terpellatione Deum placare, quæ uniuersa
Christus ipse in terris summa fide exercuit.

IX

Docendi officio functus est, dum minister
circumcisionis factus, ipse concionatoris u-
surpato munere, de gratia sua ubertim nos
erudijt in omni sapientia ac prudentia, &
notum fecit nobis misterium uoluntatis suæ,
iuxta beneplacitum suum, quod proposuit
in ipso, in dispēsatione plenitudinis tēporū,
ἀνακεφαλαιώσασθαι τὰ πάντα ἐν τῷ
Χριστῷ

Ἰησοῦς ἔστω ἡ ἁγία ἑν ἡμέρῃ ἡ ἁγία ἑν ἡμέρῃ
αὐτῶν.

X

Sed nec tum solum ministerium uerbi gessit, uerum usq; ad finem mundi etiam, solus in Ecclesia doctor Christus est, dum misso spiritu sancto, quos elegit, ad Euangelicum munus euocat, illuminat ἔ robur addit, ut uberius audeant impauide cum omni fiducia sermonem loqui.

XI

Quum uerò Christus pontifex est, pro hominibus constitutus ad Deum, ac necesse sit ut habeat dona ἔ uictimas quæ pro peccatis populi offerat, nec possint taurorum ἔ hircorum sanguinem auferri peccata semetipsum pro peccatis totius mundi semel obtulit, sacrificium Deo gratum ἔ acceptum, qua unica oblatione perfectos effecit in perpetuum eos qui sanctificantur.

XII

Porro quia non in manufacta sancta ingressus est Christus, sed in ipsum cœlum, ut appareat nunc in conspectu Dei pro nobis μεσίτης ἔ ἰλασίστορος seu ut Ioannes appellat πρῶτος ἔ factus, preces ἔ supplicationes cum clamore ualido offerens, æternus sacerdos secundum ordinem Melchisedech perpetuò interpellat pro nobis ἔ placat patrem.

XIII

Nec ipse solus honore sacerdotis perfruitur,

tur,

tur, uerum eundem credentibus communi-
cans, æquat illos sibi, & fratres, imò gentem
sanctam, genus electum, regale sacerdotium
appellat. XIII

Dedit enim Ecclesiæ idem docendi mu-
nus quod ipse gessit, sicut inquit apostolus,
posuit in nobis ministerium reconciliationis,
& addito præcepto iussit docere & bap-
tizare omnes gentes in suo nomine, gerunt igitur
pij concionatores idem cum Christo mini-
sterium, & nomine Christi legatione fungun-
tur, tanquam Deo nos per illos exhortante.

XV

Habet etiam Ecclesia cultum & sacrifi-
cia, non quidem ueteris testamenti Leuiticæ,
sed noui testamenti spiritualia, quæ Deo, tan-
quam gratitudinis & obedientiæ symbolum
offert, ut sunt, docere Euangelium, audire
& discere Euangeliū. Item prouehere quo-
modocunq; potes Euangelium, timere Deū,
credere Deo, gratias pro suo uerbo & re-
liquis beneficijs agere, inuocare Deum, con-
fiteri Euangelium, hæc & similia sacrificia
laudis, appellare potes, de quibus apost. Sa-
crificium laudis honorificabit me. Item per-
ferre crucem & adflictiones propter Chri-
stum, & confessionem Euangelij, & in sum-
ma, omnia bona opera, quæ à pijs fiunt, uere
sacrificia sunt, de quibus apostolus, Præ-

bete corpora uestra hostiam uiuentem, san-
ctam, acceptam Deo, rationalem cultum ue-
strum. Qui cultus etsi non est satisfactio pro
peccatis, neq; meretur uitam eternam, tamen
quia exigit illum Deus, placet illi, sicut Pe-
trus testatur, Vos estis sacerdotium sanctū,
ad offerendas spirituales hostias, acceptabi-
les Deo per Christum.

XVI

De intercessionē uerò, quòd liceat Eccle-
siae, & pro suis & alienis calamitatibus ac re-
bus necessarijs, in conspectu Dei, preces fun-
dere, & quòd exaudiatur satis testantur,
præcepta & promissiones Ecclesiae factæ, ut
Petite & accipietis, Item, Quicquid petieri-
tis patrem in nomine meo dabit uobis, hactē-
nus non petistis, petite & accipietis. Item Ie-
saie. Et erit, antequam clament, exaudiam
eos, Nota est, arcana Mosi ad Deum oratio,
ad mare rubrum, Exodi 14.

XVII

Quum igitur Christus resurrectione sua ta-
lis pontifex factus sit, ut eius unius interces-
sione sanctificetur ecclesia, nec in alio quo-
que salus sit, neq; aliud nomen datum inter
homines in quo oporteat saluos fieri, de-
niq; sacerdotij sui honorem ecclesiae commu-
nicauerit, agnoscamus tantum beneficium, et
agamus pro illo gratias, Deo & patri, &
ample

amplectamur hunc sacerdotem Christū, ac uera fide conuertamus nos ad eum, ut pastorem & curatorem animarum nostrarum, omni cura nostra in illū coniecta, quia ipsi cura est de nobis, ac nihil dubitemus, quin assidua illius interpellatione pro nobis, in gratiam patris recepti, eternam salutem, certo simus consecuturi, Amen.

XVIII

DE REGNO CHRISTI.

Neq; Sacerdotium solum, uerū et regnū, Christus resurrectione sua adeptus est, non quidem mundanum: ut tum quidem Iudæi, et aliquandiu Apostoli, ac nunc multi fanatici sentiunt: quo armis carnalibus orbem sibi subiugaturus esset, distributurus & administraturus prouincias, mundanorum regum more, sed spirituale, & longe à mundano diuersum.

XIX

Est autem spirituale regnū Christi quòd sedens ad dextrā Dei patris, in cœlestibus, inuisibiliter regnat & potens dominus factus sit, omnium creaturarum tam in cœlo quam in terra, supra omnem principatū, potestatem, uirtutem, dominium, & omne quòd nominatur, non solū in sæculo hoc, uerumetiam in futuro & omnia subiecta sunt sub pedes illius, adeo ut in nomine eius omne genu flectatur cœlestium, terrestrium et in-

A S ferno=

fernorum. Præcipuè uerò constitutus est caput, super omnia ipsi Ecclesiæ, quàm ineffabili sapientia per uerbum & spiritum sanctum gubernat, seruat, & defendit, in medio etiam inimicorum eius, quos et scabellum ponit, pedum suorum, qui deniq; omnia operatur secundum consilium uoluntatis suæ, omnia in omnibus adimplens.

XX

Hanc autem tantam potentiam, non sua pte autoritate CHRISTVS sibi uindixit ipse, sed à patre cœlesti iamolim promissam per resurrectionẽ ex mortuis, accepit, sicut psalmus testatur, Ego constitui regem meum super Syon montem sanctum meum, Et in Genesi, Semen mulieris conteret caput serpentis. In paral. Statuam eum in domo mea & in regno meo, usq; in sempiternum, & thronus eius erit firmissimus in perpetuum. Et Iesa. Radix Iesse stat in signum populorum. Item De fructu uētris tui ponam super sedē tuā. Hierem. Suscitabo Dauid germen iustum, et regnabit rex, & sapiens erit, & faciet iudicium & iustitiam in terra, Quibus testimonijs perspicue cernitur, Christū non sua sed patris autoritate regnum usurpasse.

XXI

Neq; nullius momenti res est, regnū Christi, sed potens & uerè effiçax in mundo, nam
uel

uel inuitis omnibus inferorum portis, per=
rumpit, ac uia gloria CHRISTI aperit, ut
cognoscant & gentes salutare Dei. Sicut Ie=
saias testatur, Reges uidebunt, & consur=
gent principes, & adorabunt eum propter
Dominum qui fidelis est. Et psal. Postula a
me & dabo tibi gentes hereditatem tuam et
possessionem tuam terminos terrae, reges eos
in uirga ferrea. XXII

Eadem etiam potentia, tuetur Ecclesiam
suam Christus, ne opprimatur ab hostib. suis
mundo, scilicet tyrannis, morte et Satana, i=
mò illos uicissim ecclesiae uice, tanquam po=
tentissimus rex, quam grauissimè, ulciscitur,
sicut magnifica uictoria defendit Ecclesiam
ad mare rubrum, Pharaonem cum toto exer=
citu horribiliter absumto. Et seruato Dau=
de, uniuersos inimicos eius interfecit coram
eo. Spirituales uerò hostes, peccatum, mor=
tem, Satanam, captiuitatem scilicet nostram,
adeo potestatis suae fecit, ut captiuos etiam
nunc teneat illos, ne damnent credentes, iu=
xta illud, Nulla est condemnatio his qui sunt
in Christo Iesu. In summa Ecclesia est mons,
eleuatus supra oēs colles, ac firmatus adeo,
ut ne portae inferorū quidē aduersus illam,
quemadmodum anxie querunt, praeualere
queant, Sicut satanas ipse de Iob queritur,
Iob 1. Nonne, inquit, tu uallasti eum, ac do=
adeo

num eius per circuitum.

XXIII

Neq; defendit solum, uerumetiam perpetuo adest Ecclesiae suae Christus, gubernās illam per uerbū Euangelij, & spiritū sanctū, dum enim adflicta ac desperabunda annunciat pacem & recipit in gratiā, promittens liberationē ab omnib. malis, deniq; uitā aeternam. Ecclesia audit, & amplectitur hanc uocem, sequitur, & Christo tanquam proprio suo regi obedit, ac nihil dubitanter sperat beneficia promissa certo illi obuentura. Eadem fide despondet sibi etiam Ecclesiā Christus, & efficit membrum corporis sui, ut sit os ex osibus eius, dans illi arrhabonē spiritū sanctum in agnitionē sui, qui etiam rededit testimonium spiritui nostro quòd simus filij Dei, in quo & clamamus Abba pater.

XXIII

Quū uerò Ecclesiae pro Christo rege suo in acie standum, ac luctandum etiam sit, non contra carnem & sanguinem tantum, uerum aduersus potestates ac mūdi dominos quoq; rectores scilicet tenebrarū saeculi huius aduersus spirituales nequitias in caelestib. Christus ipse, tuba Euangelij, ueluti classicum cœnens, hortatur ad pugnam ac induit illam armatura Dei, spiritu scilicet sapientiae & intellectus, consilij & fortitudinis etc. seu
ut Pat

ut Paul. ait, Iubet lūbos circumcinctam esse,
balthēo in ueritate, indutam lorica iustitiæ,
& calceatam pedes in præparatione Euan-
gelij pacis, ac reliquis armis spiritualibus, ut
resistere possit ac demoliri omnem munitio-
nem & celsitudinem, quæ extollitur aduer-
sus cognitionem Dei, & stare in die malo ac
uictoriam consequi per Christum Iesum do-
minum nostrum, Amen.

XXV

Sicut autem sacerdotij, ita & regni quoq;
participem fecit Ecclesiam. Est enim consti-
tuta heres et domina mundi, sicut Paulus ait,
Quod Abrahamæ et semini eius heræditas mun-
di promissa sit, per iustitiã fidei. Deinde et-
iam uictrix est, mortis æternæ, dedit .n. illi
Deus uictoriam per Iesum Christum. Acce-
pit præterea potestatem aduersus spiritus
immundos, ut eiciat eos, qua etiam autorita-
te utens, adiurat, & imperat Satanae ut exe-
at ab infantibus baptismo adhibitis, deinde
habet etiam potestatem calcandi supra omnē
uirtutem inimici. Item sanandi quemuis mor-
bum et quemuis languorem. Item habet po-
testatem ligandi et soluendi, Datus est insu-
per illi Christus, & cum Christo omnia. Et
in summa omnes creaturæ coguntur illi ser-
uire in bonū, magna certe potentia, magnus
honor est Ecclesiæ, uerum non in conspectu
homi-

hominum positus, sed in spiritu & coram
oculis Dei. XXVI

Præterea resurrectionis futuræ spem quo
que fecit credentibus fore ut in nouissimo die
& ipsi resurgant, iisdem quibus in hac ter-
ra uixerunt corporibus, sed ex utis mortali-
tate, ac glorificatis quemadmodum Ies. ait,
Viuēt mortui tui et cum corpore resurgent.
Et in symbolo credit Ecclesia carnis resur-
rectionē, Paulus: Seminatur corpus animale
sed resurgit corpus spirituale. Tale autem
erit corpus nostrum, quale in Christo resusci-
tato fuit. XXVII

Quum uerò tam illustria testimonia de re-
surrectione & regno Christi proponit spiri-
tus sanctus in scripturis, iure damnamus om-
nes qui aliam post hanc uitam, atq; adeo re-
surrectionem mortuorum irrident ac negāt,
quales olim saducei fuerunt, & nunc multi
Epicurei sunt. XXVIII.

Damnatus & illos, qui asserere conati
sunt. Corpora post resurrectionem futura
aërea, & paulatim in auras tenues dissol-
uenda, de quibus Hieronimus meminit.

XXIX

Damnatus etiam eos quoq; qui dicunt re-
surrectionem iam factam esse quemadmodū
Pauli temporibus. Hymenæus & Phyletus er-
rauerunt. XXX.

Nam

Nam resurrectionem negantes Deū mendacij arguunt, Christum blasphemant, & Ecclesiā inestimabili damno afficiunt, Quia si Christus non resurrexit, adhuc sumus in peccatis nostris, neq; habet Ecclesia interpellatorem apud patrem, neq; regem sese defensantem, deniq; neque futuræ resurrectionis, glorificationis, ac uitæ æternæ spem ullam, imò ruunt omnia Prophetarum uaticinia, et sunt credentes, omnium hominū miserrimi, ac planè populus sine Deo, hoc est damnati & perditī.

XXXI

Quare hunc, de resurrectione articulum, recte discamus & tenaciter imbibamus, nihil dubitantes, quin certo resurrexerit Christus, mortem ac peccatum aboleuerit, iustitiam, uitam & immortalitatem, deniq; futuræ resurrectionis spem nobis retulerit, Pontifex ac rex noster factus, qui Deo nos perpetuo conciliet, regat etiam & defendat, qui deniq; sacerdotij et regni sui gloriā nobiscū cōmunicauerit etc. Ac pro tantis beneficijs, Deo patri gratias agamus, assiduis precibus orantes, ut fide resurrectionis confirmati, sobrie, iuste ac pie uiuamus in hoc seculo, expectantes beatam illam spem, & illustrationem gloriæ magni Dei, ac tandē cum omnib. sanctis uitā æternā consequamur, quod præstet idem qui ex mortuis resurrexit Iesus Christus dominus noster, Amen.

9
193469

ULB Halle 3
004 396 014



Sp.

MC







1544

13

DE CHRI-
STI IESV RESVRRECTI-
ONE, ET ILLIVS FRVCTV,
DISPVATIO ANTONII
MVSAE, *pro licentia in theoa-
logia adeunda*

Vicesima octava Maij,
Anno M D XLIIII.

LIPSIAE
IN OFFICINA VALENTINI
PAPAE.

F 15

